



BOSNIA AND HERZEGOVINA  
INSTITUTE OF METROLOGY  
OF BOSNIA AND HERZEGOVINA

Broj: 02.1-16-4-MA-871-79/23  
Sarajevo, 29.12.2023. godine

Na osnovu člana 61. Zakona o upravi („Službeni glasnik BiH“ br. 32/02, 102/09 i 72/17), člana 69. stav (2) tačka d) i člana 70. st. (1), (4) i (6) Zakona o javnim nabavkama („Službeni glasnik BiH“, br. 39/14 i 59/22), člana 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, br. 103/14 i 49/23), a na Preporuku Komisije za nabavku broj: 02.1-16-4-AR-871-76/23 od 26.12.2023. godine, u postupku javne nabavke Laboratorijske opreme za laboratoriju za pritisak i vakuum – Lot 7, direktor Instituta za mjeriteljstvo Bosne i Hercegovine donosi

**ODLUKU**  
**o poništenju postupka javne nabavke**

**Član 1.**

Poništava se postupak javne nabavke roba za potrebe Instituta za mjeriteljstvo Bosne i Hercegovine, Laboratorijska oprema za laboratoriju za pritisak i vakuum – Lot 7, iz razloga što jedina primljena ponuda nije prihvatljiva.

**Član 2.**

Ova odluka objavit će se na web-stranici Instituta za mjeriteljstvo Bosne i Hercegovine [www.met.gov.ba](http://www.met.gov.ba) istovremeno sa upućivanjem ponuđaču koji je učestvovao u postupku javne nabavke, u skladu sa članom 71. Zakona o javnim nabavkama.

**Član 3.**

Ova odluka stupa na snagu danom donošenja.

**Obrazloženje**

Postupak nabavke Laboratorijske opreme za laboratoriju za pritisak i vakuum – Lot 7, pokrenut je Odlukom o pokretanju postupka javne nabavke broj: 02.1-16-4-MA-871-2/23 od 29.08.2023. godine.

Javna nabavka je sprovedena putem otvorenog postupka.

Procijenjena vrijednost javne nabavke bez PDV-a je 50.500,00 KM.

Obavještenje o nabavci broj: 648-1-1-2-3-7/23, poslato je na objavljivanje na portal javnih nabavki dana 12.09.2023. godine, a objavljeno je na istom portalu dana 12.09.2023. godine.

Komisija za nabavku imenovana je Odlukom o imenovanju Komisije za nabavku laboratorijske opreme broj: 02.1-16-4-MA-871-5/23 od 12.09.2023. godine.





Komisija za javnu nabavku Laboratorijske opreme za laboratoriju za pritisak i vakuum – Lot 7, dostavila je direktoru Instituta za mjeriteljstvo Bosne i Hercegovine Zapisnik o pregledu i ocjeni ponuda broj: 02.1-16-4-AR-871-74/23 od 26.12.2023. godine, Izvještaj o radu broj: 02.1-16-4-AR-871-75/23 od 11.10.2023. godine i Preporuku o izboru najpovoljnijeg ponuđača broj: 02.1-16-4-AR-871-76/23 od 26.12.2023. godine.

U postupku po Izvještaju o radu je utvrđeno, da je komisija za nabavku blagovremeno i pravilno izvršila otvaranje, pregled i ocjenu prispijelih ponuda, o čemu je sačinila odgovarajuće zapisnike, u kojima je utvrđeno slijedeće:

- da je u predmetnom postupku primljena 1 ponuda,
- da je blagovremeno primljena 1 ponuda,
- da nije bilo neblagovremeno primljenih ponuda.
- da ponuda ponuđača konzorcijuma „SIRIUS 2010 - MICOM“, nije kvalifikovana, nije dostavljena u skladu sa tenderskom dokumentacijom.

Nakon uložene žalbe na Odluku o poništenju postupka javne nabavke broj: 02.1-16-4-MA-871-49/23 od 16.10.2023. godine, Ured za razmatranje žalbi BiH, je Rješenjem broj: JN2-01-07-1-3110-7/23 od 06.12.2023. godine naložio ugovornom organu ponovno ocjenjivanje pristigle ponude konzorcijuma „SIRIUS 2010 – MICOM BH“ za nabavku Laboratorijske opreme za laboratoriju za pritisak i vakuum – Lot 7, u pogledu ispunjenosti tehničkih zahtjeva iz tenderske dokumentacije. S tim u vezi, Komisija je izvršila detaljnu analizu kataloga, brošura, tehničkih listova i slika ponuđene opreme i tehničkih karakteristika, te je ustanovila kako slijedi:

Komisija ponovo konstatuje da ponuđač u ponudi nije naznačio model i tip senzora pritiska koji nudi, niti da će predmetni senzor biti isporučen sa odgovarajućim certifikatom o kalibraciji prema standardu ISO/IEC 17025. Komisija je ustanovila da samo jedan od 48 tipova senzora pritiska iz priloženog kataloga ponuđača odgovara traženim tehničkim specifikacijama iz tenderske dokumentacije odnosno senzor pritiska oznake Q-RPT-A700Kp-PREMIUM CLASS. Međutim iz priloženog kataloga se ne može utvrditi da se navedeni senzor pritiska isporučuje sa certifikatom o kalibraciji od akreditirane laboratorije prema standardu ISO/IEC 17025 niti se to može potvrditi bilo kojim drugim dostavljenim dokumentom ponuđača koji potvrđuje ovaj traženi tehnički zahtjev propisan tenderskom dokumentacijom. Nadalje, ponuđač nije naznačio mjeriteljsko-tehničke karakteristike senzora (model i tip) kojeg planira ugraditi u PPC4 uređaj (opseg, mjerna nesigurnost, tačnost, preciznost, itd.) u katalogu opreme, niti je naznačio da će PPC4 uređaj nakon ugradnje novog senzora biti isporučen sa certifikatom o kalibraciji prema standardu ISO/IEC 17025.

Na osnovu navedenog, Komisija je zaključila da je ponuda ponuđača konzorcija „SIRIUS 2010 - MICOM“ neprihvatljiva, jer ne zadovoljava tražene tehničke zahtjeve iz tenderska dokumentacije za Lot 7.

U postupku ocjene provedenog postupka, direktor Instituta za mjeriteljstvo Bosne i Hercegovine nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke komisije za nabavku.

U postupku je utvrđeno da je Komisija u svemu pravilno postupila, te da je Preporuka o poništenju postupka nabavke data u skladu sa Zakonom o javnim nabavkama, podzakonskim aktima i tenderskom dokumentacijom.

U skladu sa odredbama Zakona o javnim nabavama, cijeneći prethodno navedeno, komisija je jednoglasno dala preporuku direktoru Instituta za mjeriteljstvo Bosne i Hercegovine da donese odluku o poništenju postupka javne nabave na osnovu odredbe člana 69. stav (2) tačka d) kojim je definisano da je ugovorni organ obavezan poništiti postupak javne nabave u slučaju da nijedna od primljenih ponuda nije prihvatljiva.



**Pouka o pravnom lijeku:** Protiv ove odluke može se izjaviti žalba, najkasnije u roku od 10 (deset) dana od dana prijema odluke o poništenju postupka. Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu: Institut za mjeriteljstvo Bosne i Hercegovine, Branilaca Sarajeva broj 25, 71000 Sarajevo.

Žalba se podnosi u najmanje 3 (tri) primjerka.

  
**DIREKTOR**  
  
**Milica Ristović Krstić, mr**

Dostavljeno:

- Ponuđaču SIRIUS 2010 d.o.o. Banja Luka
- WEB stranica IMBIH-a
- a/a